



REPUBLIKA E KOSOVËS
REPUBLIKA KOSOVA - REPUBLIC OF KOSOVA
KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION



Ref: 1503/213/BA/dk

VENDIMI I BORDIT PËR ANKESA

në çështjen e Ankesës nga

Radio Televizioni i Kosovës

(“Palë Ankuese”)

I përfaqësuar nga:

Z. Naser Gjinovci – RTK

kundër vendimit të

Këshillit të Komisionit të Pavarur për Media

(“KPM”)

në Ankesën 2010/ 74

(Vendimit të KPM-së të datës 28 shtator 2010)

Faktet

1. Me vendimin e tij 2010/74 të datës 28 shtator 2010 (Ref: 1008/0987/KKPM/az, Këshilli i KPM-së shqiptoi gjobën prej 50.000 € kundër Palës Ankuese, për transmetimin e komunikimeve komerciale audio-vizuale në kundërshtim me Rregulloren KKPM 2009/04, në veçanti nenin 15.2, për transmetimin e reklamave gjatë kohës së shikueshmërisë së lartë.
2. Më 29 tetor 2010, brenda afatit ligjor, Pala Ankuese dorëzoi ankesë kundër vendimit të Këshillit. Pala Ankuese në ankesën e saj thekson se “*ka qenë në proces të tranzicionit dhe se ka vepruar në pajtim me nenin 17, paragrafin 1, nenin 17 paragrafin 2 dhe nenin 17 paragrafin 4 të ligjit numër 02/L-15 për Komisionin e Pavarur për Media. Sipas paragrafit 17.1, procesi i tranzicionit duhet të menaxhohet në aso mënyre që nuk rrezikon aftësinë e transmetuesve publik apo privat që të operojnë arsyeshëm. Si rrjedhojë, Pala Ankuese ka kërkuar nga KPM-ja që të vonojë zbatimin e rregullores për komunikim komercial audio-vizual KKPM 2009/04 të miratuar më 28.8.2009 gjërsa të gjendet një zgjidhje e qëndrueshme e financimit të Palës Ankuese nga Kuvendi i Kosovës. Vendimi i Gjykatës Kushtetuese të Kosovës ka krijuar pasiguri shtesë për Palën Ankuese në lidhje me gjendjen e saj financiare që*

duhet të merret parasysh. Sidoqoftë gjoba prej 50.000 mijë € nuk është proporcionale me gjendjen ekonomike të Palës Ankuese e cila është dashtë të merret parasysh si faktor lehtësues”.

3. Bordi për Ankesa gjen se Komisioni i KPM-së me datën 1 shkurt 2010, ka mbajtur një takim me anëtarët e Bordit të Palës Ankuese. Bordi për Ankesa ka konstatuar se Komisioni i KPM-së në këtë takim i ka kërkuar Palës Ankuesë të respektoj zbatimin e Rregullores për Komunikime Komerciale audio-vizuale KKPM 2009/04.
4. Pala Ankuese me datën 29 tetor 2010, ka paraqitur ankesë në Bordin e Ankesave (BA) ndaj Vendimit të Komisionit të KPM-së 2010/74.
5. Bordi për Ankesa konstaton se Pala Ankuese nuk kishte mungesë financiare pasi që Kuvendi i Kosovës ka ndarë fonde të mjaftueshme për të mbuluar të gjitha nevojat financiare të Palës Ankuese. Bordi për Ankesa gjithashtu konstaton se Pala Ankuese nuk kishte refuzuar raportet e monitorimit se ishte në shkelje të Rregullores për komunikim komercial audio-vizual. Në veçanti Pala Ankuese kishte vepruar vazhdimisht në kundërshtim me nenin 15.2 të rregullores sipas së cilës reklamimi, teleshoppingu dhe videospotet në kanalet e shërbimit publik nuk mund të transmetohen në mes të orës 07:00 dhe 09:00 të paradites dhe në mes të orës 18:00 dhe 23:00 të mbrëmjes.
6. Bordi për Ankesa bazuar në raportin e monitorimit të datës 15 dhe 27 prill 2010, pas analizimit të raportit ka gjetur se Pala Ankuese ka transmetuar komunikime komerciale audio-vizuale në kundërshtim me Rregulloren për Komunikime Komerciale audio-vizuale 2009/04, respektivisht me nenin 15.2 të kësaj rregulloreje.
7. Bordi për Ankesa duke u bazuar në shkeljet e vazhdueshme të nenit 15.2 të Rregullores KKPM 2009/04, nga ana e Palës Ankuese, Bordi për Ankesa gjen se me datën 11 qershor 2010, Palës Ankuese i është dërguar Njoftim për Shkelje për shkelje të Rregullores KKPM 2009/04, duke e udhëzuar të veproj në pajtueshmëri me rregulloren KKPM 2009/04, si dhe të përgjigjet me shkrim për shkeljet e bëra.
8. Edhe pas Njoftimit për Shkelje, është vazhduar me monitorimin e programeve të Palës Ankuese për të verifikuar pajtueshmërinë me Rregulloren KKPM 2009/04, në bazë të raporteve të datës 18, 19 dhe 20 qershor 2010, pas analizimit të këtyre raporteve, Bordi për Ankesa ka konstatuar se Pala Ankuese në mënyrë të vazhdueshme ka transmetuar komunikime komerciale audio vizuale në kundërshtim me nenin 15.2 rregullores KKPM 2009/04.
9. Bordi për Ankesa ka gjetur se Palës Ankuese i është dërguar edhe Vërejtje me shkrim, ku përfundimisht i është bërë më dije se për çfarëdo shkelje të mëtutjeshme të Rregullores KKPM 2009/04, Komisioni i KPM-së do të ndërmerr masa ligjore bazuar në Ligjin e KPM-së.
10. Bordi për Ankesa bazuar në raportet e monitorimit të datës 20 dhe 21 korrik 2010, ka gjetur se edhe përkundër Vërejtjes së marr Pala Ankuese vazhdon të jetë në kundërshtim me Rregulloren KKPM 2009/04, duke transmetuar komunikime komerciale audio vizuale në kohën e ndalimit për transmetimin e tyre.

Vendimi

11. Bordi për Ankesa pas shqyrtimit të argumenteve të paraqitura nga KPM dhe Pala Ankuese, konstatoi se Vendimi i Komisionit të KPM-së është i argumentuar dhe i bazuara në Rregulloren për Komunikime Komerciale, në Ligjin e KPM-së dhe në gjendjen faktike.
12. Bordi për Ankesa duke u bazuar në faktin se Pala Ankuese pjesërisht ka ardhur në pajtueshmëri me Rregulloren KKPM 2009/04, si dhe duke u bazuar në gjendjen e padefinuar financiare me të cilën Pala Ankuese ballafaqohet, në pajtim me nenin 36, paragrafi 3, të Ligjit të KPM-së vendosi që Vendimi Nr. 2010/ 74 nga shuma 50 mijë euro të zbritet në 35 mijë euro.


Arsyvetimi

13. Bordi për Ankesa në seancën mbajtur me datë 3 mars 2015, ka bërë shqyrtimin dhe analizimin e të gjitha fakteve, shkresave të lëndës përfshi këtu të gjitha raportet e monitorimit dhe dokumentet tjera relevante siç janë Njoftimet për Shkelje dhe Vërejtjet të cilat i janë dërguara Palës Ankuese.
14. Bordi për Ankesa gjatë analizimit të raporteve të monitorimit, ka gjetur se Pala Ankuese në mënyrë të vazhdueshme ka vepruar në kundërshtim me Rregulloren KKPM-2009/04, përkatësisht nenin 15, paragrafi 2, i cili thekson se:

“Komunikimet komerciale audiovizuale dhe spotet e teleshopingut në kanale të shërbyesit audiovizual publik nuk mund të transmetohen prej orës 07:00 deri 09:00 dhe prej orës 18:00 deri në orën 23:00”.
15. Bordi për Ankesa gjen se Pala Ankuese nuk e konteston shkeljen e Rregullos KKPM-2009/04 , mirëpo e thekson se këto vendime janë marr në kohën kur Palës Ankuese iu ka ndërprere financimi me parapagim.
16. Bordi për Ankesa duke u bazuar në raportet e monitorimit të KPM-së gjithashtu ka gjetur se Pala Ankuesë edhe pas pranimit të shkresave të dërguara nga KPM në të cilat i është bërë me dije se është në shkelje të Rregullos KKPM-2009/04, dhe është kërkuar të veprojë në pajtim me Rregulloren KKPM-2009/04, ka vazhduar të mos respektojë këtë Rregullore duke transmetuar komunikime komerciale audiovizuale në kundërshtim me nenin 15.2.
17. Bordi për Ankesa gjithashtu nuk konsideron se është punë e tyre që të diskutojnë mënyrën se si sigurohet financimi i duhur i Palës Ankuese si transmetues publik. Bordi i Ankesa ka vepruar dhe ka shqyrtuar rastin në mënyre të drejtë duke mos shkelur dispozitat materiale e as procedurale, duke vepruar kështu në pajtim me nenin 36 paragrafi 3 të Ligjit të KPM-së i cili thekson se Bordi për Ankesa mund të mbështes, ndryshojë ose shfuqizojë çdo vendim të KPM-së.
18. Prandaj Bordi për Ankesa bazuar në raportet e monitorimit, shkresat e lëndës përfshi Njoftimet për Shkelje dhe Vërejtjet me shkrim, ka konstatuar se Pala Ankuese ka vazhduar të veproj në kundërshtim me Rregulloren për Komunikimet Komerciale Audio-Vizuale KKPM 2009/4.

Rishikim procedural

19. Vendimet e bordit janë përfundimtare në pajtim me nenin 44.2 të Ligjit për KPM-në.
20. Palët në vendim mund të dorëzojnë kërkesën për rishikim procedural në Gjykatë Supreme të Kosovës në pajtim me ligjin e aplikueshëm.
21. Inicimi i rishikimit procedural nuk ndalon zbatimin e vendimeve të Komisionit të KPM-së ashtu siç mbështeten apo modifikohen nga Bordi.



Daut KRASNIQI
Kryetar, Bordi për Ankesa



03.03.2015

data